

陽春縣志卷之二

建置

城池

廨署

壇廟

倉廩

梁津

隄陂

體國經野有善規焉凡以為民而已有長民之責者誠重民事講建  
置莫先於城池城池者捍衛之資也柝鼓雖警民有恃矣廨署者聽  
政出治之區下情所由達也理明必治幽壇祠者事神以庇民也旱  
乾水溢微倉敷曷以備也津梁隄陂之屬苟利於民有舉無廢也今  
朝廷純仁民氣日盛地無論廣狹一夫不獲

聖人宵旰屢之漑茲邑者宜如何修舉勿壞以仰百度維新萬物得所  
之

郵治也哉

城池

陽春縣志

卷二

建置

大馬站大同新記承印

縣在唐為春州治武德四年始築城高一丈厚六尺周四百二十丈  
宋皇祐二年知州薛利和修城浚濠有記見藝文元季廢壞明洪武三  
十一年冬鎮守千戶鍾良因舊址增築高三丈厚一丈周五百六十  
七丈濠深一丈廣一丈周六百九十丈上建敵樓三十座為門四東  
曰迎輝西曰靖江南曰鎮蠻北曰仰京天中守備指揮李盛賢知  
縣李福海重修立城壕設吊橋環植刺竹流賊不敢犯成化五年守  
備指揮祖瑄重修增建樓舖八年按察使陶魯以勦捕全令更雉堞  
為串樓十七年知縣邱祥又修城垣通濠塹宏治八年署所百戶江  
琳修補罅隙正德十年知縣黃寬會千戶童璋分界修理都指揮卜  
玉奉檄督修增高月城浚深濠塹築成馬路嘉靖三十四年知縣謝  
復生以串樓圯壞申允撤去仍立雉堞復疏濠塹萬歷九年知縣黃



憲清又詳請修築並架角樓葺窩鋪修四門樓易其名曰東和西靖南鎮北拱十五年八月颶風壞樓鋪知縣張文誥修復崇正八年知縣王魁春以城濠年久廢淤復修葺而深浚之十五年知縣陳軾增高城堞修建馬路及四門月城

國朝康熙九年知縣張含瑾捐建窩鋪六座重葺城樓二十六年知縣康善述奉部文大修遂葺四樓城堞六十一年於學宮前增闢一門曰文明雍正八年知縣王博厚捐俸重建窩鋪八座馬路數百丈乾隆二十一年南門之東城墻塌二十二年南門之西及西門之南城墻塌知縣姜山修復之四十六年南門東西城墻並塌知縣袁嘉德修嘉慶七年南門樓圯知縣彭昭麟修葺四門營房官堆十七年東西二門樓圯知縣王鵬翦修二十四年知縣陸向榮以城內正街磚石破碎捐廉買石二百餘丈令典史白龍章董工鋪置路中並率居民砌磚兩旁其平如砥

### 廨署

縣署在城正中創建年月無考宋皇祐一年知州薛利和重修有記見藝文後寢壞明洪武元年知縣黃景明復修永樂元年主簿江源重建正廳四楹廳後有堂花廳在正廳之左耳房在正廳之右正統四年知縣宋啟築申明旌善二亭於大門外又置旁樓於前景泰五年

知縣李福海修正廳儀門及東西司房成化九年知縣邱祥重建鼓樓儀門宏治十五年燬於寇後漸次修葺嘉靖四年署縣事本府通判黃寬仍故址深三十五丈廣四十一丈重建正堂後堂各三間東西吏舍二十庫房一堂右爲龍亭庫二門外爲譙樓爲儀門爲土地



祠其申明旌善二亭及獄房四間葺治如舊又堂之東前建知縣衙舍後建典史衙舍皆三座吏舍七座三十二年知縣謝復生重建花廳茶亭後廳及前後左右共五棟二廂又修典史衙前堂後廳暨左右廂房并以獄房低濕填而高之砌以磚石鋪以木板增置獄正廳一東西房各二隆慶間知縣熊烈以典史衙不應在縣令署之上乃移入居之以前縣衙宇爲典史廨舍萬曆十一年知縣黃憲清以庫房後庫樓久塌復架樓一座上儲冊籍民壯夜巡其下樓後有園墻外曠地募民居之以爲後衙明末兵燹之後堂廡廨舍鞠爲茂草矣國朝康熙十二年知縣張含瑾捐俸修十之五六二十六年知縣康善述捐俸修大堂後堂三十七年知縣楊良於大堂之左重修幕館三間顏曰攬秀建造大堂前後左右房十二以居吏雍正十年奉檄捐縣陳懷彥捐廉將署內重修

教諭署在明倫堂左二進廣一丈二尺深各二丈許旁有小門達明倫堂其時始建未詳雍正八年教諭陳世蓮於署左建房舍南北向各二潤俱丈許深如之東側有園地小池乾隆六十年修明倫堂因兼葺署之西廂房二間嘉慶十八年復以修書院撥工重建後堂三間并東西兩廊新建東廂房二間餘俱完葺訓導署在明倫堂右一進廣三丈深十丈始建亦未詳康熙四十二



年訓導朱天保重修署左客廳濶三丈深二丈許久俱圯乾隆二十三年訓導阮大材又於後進新建一座濶二丈深如之旁啟小門以通明倫堂外爲園地傍尊經閣枕康公書院別有小池四十五年訓導蘇振權捐俸修前堂三間嘉慶二十二年訓導陸樹棠以齋舍剝落捐資半基建造凡三進進三間中增甬道以廣內堂前移牕檻以廣外堂有記見藝文

古良司巡檢署雍正九年巡檢王道興領帑建凡四進進三間各深二丈五尺乾隆二十二年巡檢金國秀節次捐俸添造大堂左土地祠班房及書房宿房廚房嘉慶十九年巡檢陳德瀾倡修二十四年巡檢蔣國華倡捐重修黃泥灣司巡檢署乾隆元年新設巡檢張舒領帑建凡三進進三間有左右廊房及土地祠深十三丈濶七丈二

十二年巡檢王璋于左右隙地捐俸增建宿房二間知縣姜山於乾隆二十一年捐俸於署內之左建書房三間

典史署在縣二門外之東先是明嘉靖四年署縣事黃寬於縣堂東之後建典史衙二座三十二年知縣謝復生又爲建前堂後廳各一左右廂房二至隆慶間知縣熊烈以典史衙在正官署之上于禮制未宜乃更典史衙爲縣署而以前縣衙宇爲典史廨舍凡三進深十二丈

國朝乾隆二十三年典史李沼捐俸修葺嘉慶七年典史戎斌捐修一堂並花廳二十三年典史白龍章捐修土地祠

守備署在西門大街康熙五十六年建爲進者三濶三丈七尺深九丈五尺乾隆二十一年守備鍾繆華重修嘉慶十七年新改陽春營



舊署坍塌十八年守備蘇雲領項修建凡三座座各二間東西廊房二箭亭在署側

椽房在城西馬房巷

火藥局在城東南隅波蘿根

軍裝局在縣署前蓮塘湄嘉慶十九年守備蘇雲領帑與椽房火藥局同時創建

左哨千總署未建借居城隍廟側康公祠

分防那且汛把總署

分防鵝公汛把總署俱未建住各該汛營房

官亭在西門外河埠雍正十二年知縣王秉運捐俸建乾隆八年知縣董宗德重修二十二年知縣姜山捐建牌樓

行臺在那且河旁乾隆二十年監生陳宏士捐貲建三進高一丈五尺許深五丈闊三丈七尺許地爲民人鄒集璋章宏公捐

養濟院在城西明嘉靖十三年知縣江鎬建正廳一左右廂房各三門樓一

國朝康熙九年知縣張含瑾二十六年知縣康善述次第修理乾隆二十三年知縣姜山重加修葺

監獄府志在縣署頭門內之西男監四女監一另設外監一間別其罪重輕收禁

壇祠

先農壇雍正五年奉

旨設立在城東知縣楊景買柯婦田七畝許以建壇

高一尺一寸  
濶二丈五尺後爲

先農



祠中設神位東房貯祭品農具西房貯藉田米穀配房二東置祭器西爲農民居

山川壇在城南一里嘉慶丁酉年知縣鍾英修築

社稷壇在城北一里明洪武三十年知縣黃景清建

城隍廟在縣治西建立久遠萬曆十九年知縣秦劉允重修前座

國朝順治十四年知縣單九翔重修後座康熙三年知縣莊繼獻二十

六年知縣康善述俱重修雍正九年知縣王博厚撥租二十九石有

奇以供香火乾隆二十二年知縣姜山勸捐創建頭門樓戲臺拱蓬

及東西牆三十九年五十五年知縣邵應鳳孫樹新次第重修嘉慶

二十一年知縣張桂森倡捐更其基址重新建築以泰山廟舊址拓

其後座戲臺客廳俱備邑舉人林宣鐸暨府知事職梁朝棟等董其

役

文昌祠在瑞雲書院樓上建立詳見書院

關帝廟在縣治東明萬歷間知縣吳應試建天啟間知縣錢兆元修

國朝雍正九年知縣王博厚撥租三十石有奇以供香火乾隆十二年

知縣錢逢泰二十二年知縣姜山五十五年知縣孫樹新先後重修

校場武廟在東門外順治甲午年楊蒙捐建並施租三十石租銀五

兩乾隆六十年邑紳蔣世可捐資重修嘉慶二十年守備蘇雲倡捐

興修邑紳梁朝棟等董事增高後殿推擴前亭周以廊廡翼以旁室

天妃廟在西門外沙尾渡陳素恆創建雍正十年重修嘉慶九年公

捐重建其餘山河堡下馬水墟岡尾墟合水墟八甲福祿河口俱建

立



洪聖廟在城西催塘街嘉慶二十年職員李承遠等倡捐重建

文武帝廟一在太平都三甲堡康熙四十一年劉裔燧建嘉慶二十年副貢生劉世柔等倡捐重修一在企坳墟有廟租十二石鄉人徐文煊張茂貞監生張翼成等捐施

武帝廟一在潭水墟乾隆四十一年李士毅倡修嘉慶二十一年歲貢生李家翰理問李才璨監生馮德昌等倡捐重修家翰又自改舖墻讓擴廟右通行巷道一在石棗墟一在石尾金龍巖

按壇祠以祀典為斷廟或建於城或建於鄉其為載在祀典則一也故並書焉非此則不錄亦以正人心而弗黷於邪也

名宦祠在 學宮戟門外之東祀陳太守馮僕唐司馬姜晦宋知州薛利和明知縣黃景清趙清梁潛李通龔墳黃寬黃憲清傳慶貽教

諭伍銓

國朝總督李棲鳳李率泰巡撫朱宏祚康熙二十六年崇祀總督楊宗仁巡撫楊文

乾雍正九年崇祀

鄉賢祠在 學宮戟門外之西祀宋進士廣南東路提舉章君載元昭勇大將軍沿海招討使梁國傑明舉人崔士暉莫尙俊莫璣審理梁棟知縣汪英勅封知縣梁崇伯

國朝貢生劉啟銘康熙六十年入祀

右二祀乾隆六十年與

文廟重建

忠義孝弟祠祀忠義林桂徐洪劉廷亮何萬邦賴玉德謝詔汪雲梓楊巽曾嗣宗李素孝友謝梓陳覺



節孝祠祀烈婦鄧氏

福山知縣汪瑛妻

李氏

輪水謝榮妻

烈女馮氏

馮秀生女

貞女黎氏

梁汝高妻

謝氏

黃中利妻

節孝林氏

本城汪雲桐妻

黃氏

三甲庠生劉家塘妻

容氏

冲楹嚴璉妻

梁氏

城北柯光浩妻

按二祠俱雍正三年建在瑞雲書院東久圯嘉慶十八年重建

黃侯書院

雷侯書院

錢侯書院

陳侯書院

右四書院為明知縣黃憲清雷啓御錢兆元陳軾生祠在城北門外燬於西寇基址無存

賢良祠在學西街之後祀知縣王魁春康善述李敬修後圯遂併祀

五循祠

蘇侯書院在縣學後東隅祀知縣蘇澎雍正四年紳士捐置租三十

三石有奇在順陽都陸宇富戶完糧今院久廢併祀蘇侯於五循祠

其租亦歸五循祠收管輸納

五循祠在縣學後忠孝祠東祀知縣王魁春單九翔康善述李敬修

蘇澎王博厚乾隆三十年邑紳士建凡四進三間

龍光閣在儒林門內

文廟之東嘉慶二年建高四丈許祀文昌神以上層祀魁星焉

文塔在城南里許岡背嶺凡九級高逾七丈嘉慶元年建

文武閣在太平都三甲林報鄉乾隆十九年建藍袁王三姓共捐祀

租五十餘石

文閣一在太平都三甲堡東溪康熙六十一年劉實庵建施租二十



五石一在八甲福悠鄉庠生黃行素子孫建一在大垌墟一在企坳墟下瀧

射木神祠在縣東南十里射木山唐春州司馬姜晦禱雨輒應因建今祠雖廢旱輒往禱焉

邑厲壇在城北

軍牙六纛神祠在千戶所署今廢

倉廩

際留倉在縣東南隅明永樂間建一廩三成化十年知縣邱祥增廩六正德十年知縣黃寬以簞席錢詳請修葺十二年以缺貯又申請另建三廩及官廳一座深十五丈許廣十二丈即今倉邊巷常平倉也預備倉在縣治儀門外之右明景泰間知縣黃淵建廩一嘉靖四年

知縣黃寬移置縣治後東北隅深一丈廣四丈後以地卑穀朽且際留倉久頽知縣謝復生請移就際留倉并而爲一更名常平倉共廩二十

新倉雍正六年署知縣喬振先詳明在奉裁所衙捐俸建設廩三七  
年知縣黃敷言復詳請建廩五乾隆六年知縣董宗德又于所衙建廩一嘉慶二十二年知縣張桂森於後墻東西各建三廩合常平倉共廩三十二間貯穀二萬零七百二十五石三斗五升

社倉雍正二年奉

旨設立原捐民屯社穀共一千七百三十二石五升各鄉置社長一人司之以便賑濟

城廂內外倉在萬壽寺右廂



頭堡倉在定慧庵左廂

南在堡倉在流陂村

平坦堡倉在合水廟右

高岡堡上倉在來鐘寺

高岡堡下倉在紫雲巖

那烏雲霖二堡共一倉在黃泥灣

青山堡倉在早禾岡村

蓮塘堡倉在蓮塘寺

大錯灣堡倉在永鎮市

石望堡倉在石望墟邊寺

西河上下倉在龜岡廟

下河上堡倉在岡脊廟

下河下堡石藁堡二堡共一倉在塘底墟

鳳北堡倉在石嘴村

鳳南潭水現堯三堡共一倉在潭水墟

龐垌堡倉在龐垌墟

那日堡倉在陳村

六甲堡倉在喬連墟

七甲堡倉在丹洞村

八甲堡倉在八甲墟頭

岡尾堡倉在岡尾墟三聖宮

三甲堡倉在荔枝山村以上凡二十三處



乾隆十七年奉行設立專倉三一在城內縣治後貯穀八百七十石一斗四升一在黃泥灣司屬貯穀四百九十石一斗一在古良司屬貯穀四百五十二石八斗四升各舉社正社副司其出入其創建倉費爲紳士公捐有碑記今俱廢

社倉原捐續捐共穀四千六百七十二石二斗八升內雍正二年捐穀一千四百四十七石七斗七升乾隆十六年續捐穀二百八十四石三斗一升二十三年紳士捐賑餘米撥入社倉穀三十一石二十五二十六年續捐穀二千九百九石二斗又各年支存息穀一千九十八石四斗六升零又溢息穀三石七斗一升通共穀五千七百七十四石四斗五升零嘉慶元年報缺穀二千二百三十三石六斗八升零八年報缺穀三千五百四十四石七斗六升零其缺穀價銀均已

解貯藩庫現各處社倉廢座亦傾圮

梁津

墟附

南門橋在南門外正街初架木爲之乾隆二十五年圮于水邑人徐耀捐資易以石長二丈許闊八尺橋下亦築石磚

普濟橋本名洗馬坑橋在西門外明崇正十年知縣王魁春捐資重建更今名護以垣壁高一丈四尺廣一丈長五尺

石陂河橋在岡脊堡長丈許闊五尺餘高丈許乾隆三十四年生員陳崑山捐資建

高坡石板橋在西河乾隆二十年監生郭逢彩民人柯廷錚捐資造沙河石拱橋在西河乾隆十七年柯廷錚郭逢彩生員游尙謙陳彩龍謝仁尙陳文卓呂淮徐約中等捐建後圮嘉慶二十五年里人顏



立槐等倡捐改砌石條闊六尺長四丈許

麻塘地橋在城東里許嘉慶二十三年監生吳垣豐陳開泰倡捐重建築以灰石

清水河橋在南門外八里乾隆十六年生員柯日且捐資築又于橋畔建亭買並垌森木根田以歲租所入租六石稅米一斗燒茶湯以飲行

客亭今廢

青石橋在城南三十里平山村跨青石小溪

柏木橋在縣西四十里太平都明天啟間易以磚

國朝乾隆十二年邑人沙縣知縣黃秉乾捐金改築以石

黃塘石橋在那且堡乾隆十九年里民陳盛等捐資造

那且石橋在那且堡乾隆二十年里民余雲昇捐資造

關草閣石橋路在城西南五十餘里鳳北堡監生李士茂捐資建

水甕橋在縣西南六十里太平都康熙四十一年監生劉啟鎰捐資

建砌以青磚闊八尺長三丈許乾隆十二年舉人劉宗湘重修

客子橋在鳳北堡康熙四十五年生員黃錫虬捐資造

蓮塘石橋在鳳北堡乾隆十五年生員林上昭林宜揚里民林澤林

英等捐資造

定甯橋在鳳南堡石橋三道陳洪佐倡修

潭水涌橋在城南六十里原架木三道被水冲陷嘉慶八年職員李

家裕倡捐以石修築

河村垌橋在城西南六十里現堯堡里人張鳳梧等倡捐建砌以大

石闊盈丈長三丈有奇



梭羅陂橋在城西南七十餘里現堯堡原架以木嘉慶十七年歲貢生李家翰倡修架以石條闊三尺長十倍之

三板石橋在城西南八十餘里鳳南堡亞媽埔乾隆五十五年監生李家祥倡修

山仔橋在八甲堡乾隆十一年黃秉乾捐資造

碧達橋在縣西二十里南鄉都

水湖石橋在青山堡中步乾隆二十一年里民關月昇勸捐建

望天湖橋 石橋 頭橋 大壩墟橋俱在順陽都高岡堡

大車埕橋 流水埕橋俱在順陽都青山堡

拱橋在那烏堡馬子陂雍正九年監生梁朝陞等捐資建

大河橋在城北八十里雲霖堡初名雲霖橋被水冲塌乾隆四年生員鍾如輝監生何經勸捐修復更今名

小河橋在雲霖堡小河初爲木橋乾隆十一年埧于水知縣郝士敏生員顏成一勸助修築加石板其上

楊柳嶺路在城西南九十里乾隆三十八年李士毅捐資闢二十餘里六十年又與職員王華章續修

企勒路在城南八十里乾隆五十五年李家祥倡修

荆山巡路在城西南七十餘里嘉慶十七年李家翰倡修二十五年監生藍國瓚劉士乙等復倡修逕之前後路並架大小石橋一十二道

龐垌茶亭在太平都古牛山頂路通東安監生范居禎職員范基才監生范基培於嘉慶十七年同建捐租施茶



籬坪逕茶亭在城西南八十里嘉慶元年監生曾廷桂李善海同捐  
修并施茶焉

河亭渡在西門外舊志有船有夫官給之

沙尾渡西門外一里

北瀧河渡縣北五里舊志有船有夫官給之

潭洛渡縣南五十里

渡口渡縣南十一里

潭邦渡縣南五十里

下馬水渡縣西南三十里官渡

水月宮渡城北一里舊志官渡

那且渡縣南六十里

三甲河口渡縣西南八十里官渡

六甲麻催渡縣西南一百里官渡

那烏渡縣北六十里舊志官渡

灘潮渡縣西北四十里

琅尾渡

水圍渡俱在蓮塘堡

中步渡在青山堡

合水渡

那雄渡

高岡渡俱在高岡堡

渡船現為官渡者三官月給渡夫米船亦官修縣前總鋪在縣治



東門外下至山嘴上接青石均三十里

山口舖在城南三十里上至縣前下至那且均三十里

那且舖在城南六十里上至山口下至陽江蓮花舖均三十里

青石舖在城北三十里上至那烏四十里至黃泥夾三十里至縣前

三十里

那烏舖在城北七十里上至雲霖二十里下至青石四十里

若移于黃泥夾則上

下至俱三十里

雲霖舖在城北九十五里上至新興天堂三十里下至那烏二十里

若移復與泥夾則下至那烏亦三十里

舊志郵舖十二處曰縣前曰三家店曰山口曰潭笏曰那且曰牛岡

墳曰高流水曰川山寺曰那烏曰黃泥灣曰牛輓曲曰分界并附茨

焉

按原額設舖役每舖一夫上下公文不能分遞因將各舖抽移既

而雲霖那烏青石縣前山口那且六處派役一名始敷遞又那

烏舖上下至遠近不均向者黃泥灣等汛改隸羅定協時那烏舖

亦在黃泥夾武塘上下適中其後因舖房傾圮遷復那烏以道里

核之似應仍移于黃泥夾斯郵遞程途畫一矣

東門墟在東門外校場

城南三十里曰下馬水墟又五里曰蟳蟹灣新墟又五里曰潭笏墟

又五里曰岡尾墟又橫斜約三十里曰瀾水墟曰金堡墟曰黃強墟

又二十里曰企坳墟其城西三十里曰石菴墟又三十里曰龐垌墟

俱屬南鄉都



城西南六十里曰潭水墟又三十里曰三甲墟曰河口墟又二十里曰喬連墟又二十里曰八甲墟又旋轉約四十里曰雙濬墟又二里曰盤龍墟俱屬太平都

城北十五里曰三湖墟又五里曰壁管墟又十里曰高岡墟曰合水墟又十里曰潭吉墟曰岡腰墟又五里曰大垠墟又十五里曰青山墟又十里曰松柏墟又三十里曰交岡墟曰河垠墟俱屬順陽都城北七十里曰大垠墟又十五里曰石龍墟曰黃泥灣墟又十里曰那烏墟曰雲霖墟曰石望墟俱屬思良都

隄陂

黃麩灘陂

逕口陂

俱南在堡

油柑河陂

龍岡西河堡

陂頭陂

河口陂

大塘陂

黃金灘陂

俱那且堡

第一步水陂

馬欄陂

大圓垠陂

長田垠陂

合仔陂

南山陂

田心陂

斜仔陂

茅坪陂

藍青陂

俱鳳南堡

沈龍陂

石龍陂

石牙陂

角塘陂

俱三甲堡

繒仔灘陂

垠頭陂

思茅垠陂

大陂頭陂

茶寮陂

剝猪步陂

俱六甲堡

大垠陂

蒲紹高車陂

滕沙垠陂

新村陂

大陳垠頭陂

消河陂

岩埔陂

黃石陂

俱七甲堡

石灣陂

沙屋陂

大陂

回龍宮陂

石門陂

犁頭步陂

清湖陂

福悠垠陂

俱八甲堡



大水陂	平山陂	長山陂	<small>俱石菴堡</small>
大坑陂	范屋陂	熱水陂	東水山陂
羅鳳陂	橫河陂	殷弓陂	<small>俱平坦堡</small>
河口陂	<small>高崗堡</small>		
大垌陂	逕口陂	陂頭陂	<small>俱那烏堡</small>
涌洞陂	由背陂		<small>俱青山堡</small>
井坑陂	<small>雲霖堡</small>		
平田陂	<small>蓮塘堡</small>		
埇塘陂	大塘陂		<small>俱石望堡</small>

勘誤表

卷數	頁數	行數	錯誤	更正
一	一	五	芸生	芝生
一	一	十七	乃撒下	乃檄下
一	一	十八	屬學阮具	屬草既具
二	二	廿二	打興	相與
三	三	五	以俟若徒	以俟勿若徒
三	三	九	堆於蜀	惟於蜀
三	三	十六	願司牧者	願司牧者

